

Georg Schede

**Primitiae Gustrovienses. Sive Xenion Genthliacum. M. Georgi[i] Schedi[i],
Glauchavia-Misnici**

Gustrovii: Venator, 1630

<http://purl.uni-rostock.de/rosdok/ppn73043799X>

Druck Freier  Zugang



D B



1631


17c


12^a 13.

13-10

6r

Lin-4109¹⁻³.





PRIMITIÆ GU-
STROVIENSES.

Sive

Xenion Genethliacum.

M. GEORGI SCHEDI,
Glauchaviâ-Misnici.

ANNO ∞. Ioc xxx.



GUSTROVII

Ex Typographio JOHANNIS VENATORIS.



JUVENIBUS INGENUIS

Nec non

INDOLIS PRÆCLARÆ, OPTI-
MÆQUE SPEI ADOLESCEN-
TULIS.

Gerhardo } Oberg^berggiis,
& } Fratibus.

Nicolao } Backmeisteris,
& } Fratibus.

Jacobo }
Danieli Michaelis: &
Christiano Arndio.

*Pietati, moribus, ac literis
humanioribus gnaviter
Gustrovii insudantibus,*

Amicis ac Discipulis suis cha-
rissimis.

*Cum prævia salute felix novi anni precatur
auspicium.*



JESUS

Pectoris nostri amor, lingvæ devotæ clamo-
mor,
fidei basis & dux, vitæ scopus & lux,
mœrentium solatium, afflictorum asy-
lum.

*VERBUM caro factum habitat in nobis. ut vi-
deamus gloriam ejus, gloriam quasi uni-
geniti à PATRE.*

JUVENES INGENUI,

Nec non

INDOLIS PRÆCLARÆ AC OPTIMÆ
SPEI ADOLESCENTULI,

AMICI AC DISCIPULI Charissimi.

Duplicem hunc piis Va-
tibus finem debere esse
propositum, extra con-
troversiam est: Laude nimirum
JEHOVAM Patrem, Hagiumque

A 2

Pnev-

PNEVMA in *FILIO DEI* ut celebrent; Deinde vero Maximatibus ac Dynastis, de *Ecclesia Christi ac Republicâ* benè merentibus, laudis brabeum non derogent. Horum utrunq; singulis annis pro viribus divinitus mihi concessis stato tempore exequi sœvetus eram: Sed infœustus ille *MARS*

— *tela inter cuius carmina tantum
Conqueritur vates Andinus docta valere,
Quantum aquilâ Aonias memorant veniente
columbas,*

invito hæctenus barbitõ ex manibus extorsit. Nunc deniq; mihi quodammodo redditus *STRENULAM* ex mellilli *Pupuli nostri JESULI* laudibus, quibus & pau.

& paucula alia, fortassis non in-
grata, accesferunt, contextam
adornavi. Cumque nemo fit,
proximo suo salutaria qui non
comprecetur, aut certè velit: &
ego vobis *ornatissimi Juvenes &
Adolescentuli, vestrum Spes ma-
gna Parentum*, pro more Roma-
norum Svetonio, Ovidio, ac
Herodiano, gravissimis autori-
bus, *exilem Strenam* offero. Cur
vobis, ne quaerite. Quid enim
*Magnifico, ac Reverenda dignita-
te clarissimis Parentibus vestris*
pro favore, quo me huc usque
sunt complexi, non debeam?
Quem eorundem Virtus, Indu-
stria, Eruditio, & indè nata Hu-

manitas, ac præcipuè in has literas voluntatis eximia propensio, vi quasi magneticâ ad se non traheret. ? Suscipite, hoc quicquid est, mente lætâ, ac fronte serenâ, nec tam suo pondere & æstimatione, quàm affectu animoq; pio ac grato offerentis illud metimini. *Sic JEHOVA, dominantium Dominus, annum hunc incuntem vestris Parentibus Excellentiss. admodum Reverendis & clarissimis, immò vobis & nobis illucere jubeat felicissimum!* Sic divinæ vestris studiis clementiæ nitor aspirabit, ut benigni ejusdem Numinis favore aucta ita crescant, ut Ecclesiæ
olim

olim Christi emolumento, Reipub. commo-
do, Parentibus honori, Patriæ decori, vobis verò
ipsis laudi fitis, eiq; non vulgari. Dabam Gustrovi, Die Festo
Primitiarum vocationis Gentium, Anno ∞ *1700 xxx.*

M. Georgius Schedius.

A 4

Ad

*Ad Magnificum, Nobiliss.
Consultiss. ac Literatiss. Virum,
DN. JOHANNEM OBERBERGIUM,
Illustriss. Megapolitano-Friedlandia Du-
cis Vice-Cancellarium, J. U. D. Pa-
tronum meum gratiosiss. &
faventiss.*

OBERBERGE poli decus coruscum
Et Sidus Clarii, jubar Suadae
Et Graeae & Latinae, perite Juris
Interpres duplicis, cui reclusit
Corclum sacra Themis, cui rotundo
Nectar manat ab osculo suave,
*Quo te quaesito, quo melo salutem,
O auguste Patrone literarum!
Quae facundia laudibus sit apta
Tuis? Qui fiet eruditioni
Quaeso sufficiens tuae cothurnus?
Patrono tuba quae sit apta nostro?
Angusti magis cordis inquilinos
Mirer nobile jus & aequitatem;
An Peithus magis inclitae medullam
Regnantem acriter in tuis labellis:*

Dotes

Dotes ingenii^{ve}, quas Apollo
Nil parcente tibi manu ministrat?
Labor non levis est & ille, & iste,
Nec molli jacet in toro Poësis.
Nec te quis, nec ego facul potis sim
Metiri ingenio brevive versu,
Nec Momus mihi credui canenti,
OBERBERGE novem decus Sororum,
Et Grajæ & Latiaë jubar Süadæ, &c.

Ad Eundem.

SI tibi facunda certaret flumine lingua
Romani genitor Tullius eloqui.
Carminè si Amphion tecum certaret & Orphem,
Nil agerent victi carmine uterq; tuo.
Nam decor eloqui, junctus cum carmine, Phæbo
Carminè te assimilat, Tullio & eloquio;
Nec tamen hinc Phæbo dignos tibi pascis honores
Nec Dio clarus temnis honore alios.
Sed facili voces exaudis aure Clientum
Quâq; potes miseros parte juvare juvas.
Magna viri magni laus est facundia; multo
Nec minor est, carmen fundere posse bonum;
Exilium à magno sed stemmate maxima fastus,
Magnum hæc triga potest conciliare decus.
Hanc mentem Deus extremam tibi servet in horam,
Te quondam in Celo quanta brabeia manent?

*Suspiria Patrum pro Christo incar-
nando profusa.*

Ode in Festum Conceptionis
IMMANUELIS nostri
meritissimi.

Strophe I.

U*Nquam fuit si gaudio
Ulla digna dies, Poli
Astra dum duodena permeando
Lustravit orbem flammivomâ face
Aureus Phœbus vagum
Ab orbis incunabulis triformis
Hujus decrepiti ad fata novissima;*

Antistrophe I.

*Hoc tempus est, hic est dies
Efferendus honoribus
Cunctis Evigenis, quo ocellus Orbis
Sol indugressus Cornigeri Capri
Orbitam jam deserit
Angustio rem circulum, diemq̄
Majori spatio progredier jubet.*

Epo.

Epodos I.

*Posthabitis studiis
Cunctis ergò profanis
Gaudio insueto exsilitis, & voluptatem
Ingeminate!*

Strophe II.

*Solamen est quò rarius,
Esse suavius hòc solet:
Longè & gratius illud esse sœvum est,
Quò ardentius votis fuit omnium
Expetitum, gaudium:
At gaudio hoc, quod condito indè ab Orbe
Promissum est Patribus, quod potius datur?*

Antistrophe II.

*Ipsissimum hoc describere,
CHRISTE, dum aggredior, meis
Impar impositum, heu dolor! lacertis
Sentisco onus, Ter maxime JESULE,
Natebis, voce invoco
Te supplici, captis meis faveto,
Vita meta mea tu es, scopus, ancora.*

Epodos II.

Te

*Te fidei, ecce ! petunt
Nostra plena pharetra
Tela. Te extra ut nulla salus : ita extra
Te quit homo nil.*

Strophe III.

*ADAM luto fictus rubro
Noxialis ut arboris
Pomum letiferum ore devoravit
Dolo Colubri (eheu !) Phlegethontii,
In quot & quantos dedit
Sese omnibus cum posteris labores,
Non quid tale timeans, precipitem suis !*

Antistrophe III.

*Tonantis implacabilis
Ira sevit ardua
In nuperrimè Adam luto rubello
Fictum, ut Virum de florigerâ statim
Sede propulsaverit :
Hunc atra sub leges suas vocavit
Mors, in terrigenas spicla acuens sua.*

Epodos III.

*Arbiter & Stygius,
Infestissimus hostis*

Gentis

*Gentis humanae, subito vorare
Nos satagebat.*

Strophe IV.

*Vorago non explebilis
Carceris Stygii sibi
Soli subdere flagitabat omnes.
Quid multa? Summo postposito bono
Noxio malo, fera
Pro perpeti vitæ lues, cohorsq̃,
Terris incubuit pallida febrium:*

Antistrophe IV.

*Et pro DEO summo Bono
Omnis & boni origine
Daemon horridus, ater & malignus:
Pulcro theatro pro Poli & inclito
Nos manebat corpora
Torrenda deposcens gravi dolore
Plutoni stygio subdita Regia;*

Epodos IV.

*Pro Triadisq̃ Sacra
Aspectu ille Tyrannus
Lucifer turba aligera supremo ex-
cusus Olympo.*

Stro-

Strophe V.

*Verum Deus bonus, Pater
Mitis & facilis Polo
Tandem commiseratus est ab alto
Pro patriâ clementiâ homulluli,
Nupèr à se conditi
Ad proprii vultus imaginem illam,
Ortum dante luto, hoc exitium grave.*

Antistrophe V.

*Divumq; legem rescidit
Ferream ac adamantinam,
Et Gnatum, patrio satum, globosi,
Ex corde, mundi ante omnia secula,
Vim parans vi avertere
Diâ Colubri, sanctius spondit
Mundo subsidio mittere perdit.*

Epodos V.

*Pro Styge sulphureâ
Ut donaret Olympum,
Pro tenebris sineq; destitutâ
Morte salutem.*

Strophe VI.

Mora nulla dictis, fluctibus

Entheis

*Entheis subito æstuans
Irarum muliebri semen inter
Nec non Draconem letiferum Pater
Litis implacabilis
Odiq̄, nullis seculis moriri
Quod posset, posuit semina maximi.*

Antistrophe VI.

*Hic conteret, dicens, puer
Cæculi Colubri caput ;
Qui quærens generosiùs perire,
Fatale monstrum, non solita inscius
Artis, ut mille artifex
Punctos trisulcâ linguâ notabit
Nequicquam ore micanti graciles pedes ;*

Epodos VI.

*Suppetias misero
Tanti stabit homullo
Ferre, deluso stygii Colubri
Arte nefandâ !*

Strophe VII.

*Quoties Patrum suspiriis
Hunc videre throno Poli*

Mitten-

*Mittendum Silohen cohors verenda
Efflagitavit celica Numina?
Si Sator rerum optime
Nubeculis descenderes Olympi
Disruptis patulos Orbis in ambitus!*

Antistrophe VII.

*Si montium cacumina
Alta defluerent tuâ
A Diâ facie, velut liquefcit
Vulcaniâ vi cera tenax; aqua
Aut velut, quæ valdius
Exestuans ignis calore summo
Defervet strepitu non sine maximo,*

Epodos VII.

*Nominis ut tui honos
Innotesceret hosti,
Gentium & mentes trucium subiret
Frigidus horror!*

Strophe VIII.

*Rorate Celi de super.
Atq; nubila depluant
Verum Iustitiæ inclita datorem!
Dehiscito orbis frugibus obsite.*

Et

*Et datorem perdita
Certissimum producito salutis!
Recti crescito amor, Justitia & nitor!*

Antistrophe VIII.

*Tantis Patrum suspiriis
Turba praescia seculi
venturi Silohen videre sempèr
Flagravit Abrami Patris omnium
Nasciturum semine
Credientium, exaquantè Ponti arenas
Immensi numero, & lucida sidera:*

Epodos VIII.

*Corporeis oculis
Spectare huncce negatum
Spiritu vidisse Patris subindè
Exilierunt.*

Strophe IX.

*Sed destinato tempore
Fova, pollicitis manens,
A sede aetheriâ suum ministrum
In veste stellatâ Aligerum jubet
Ocyus delabier.*

B

Et

*Et fida lectæ ex millibus Puella
Jessæ Triadis nuntia pandere.*

Antistrophe IX.

*Hic jussuum observans Heri
Discidit medium Polum
Alarum auxilio, secansq; nubes
Atras, & immensam aëriam plagam.
Celico gratisissimam
Delabitur Regi repentè in Urbem,
Urbem cui viridis nomina frons dedit.*

Epodos IX.

*Pandit & atherii,
Regina, Patris alium
Nuntium, de more suo legenti o-
racula Vatum.*

Strophe X.

*Salva, inqviens, sis Gemmula
Virginum inclita, stemmate
E Regum veterum trabens Ducumq;
Clarum genus! Salva usq; sis DEO
Nympha dilecta! unica
Omnes es inter, quam sibi sacravit
Immotâ & stabili lege Deus bonus.*

An-

Antistrophe X.

*Præ feminis hinc, quæ sine
Labe virgineum decus
Servârunt, celebraberis per orbem
Vastum quoad stabit. Sine semine
Nam virili pondere
Turgebit alvus, claustra quæ pudoris
Incorrupta tenes inviolatâq.*

Epodos X.

*Ne tibi fortè fiet
Mirum; Numen ab astris
Temet afflabit, pariesq. Natum
Virgo Jehova.*

Strophe XI.

*Æ S U M vocabis Filium;
Namq. restituet Patri
Humanum genus ob lucem nefandam
Quondam Polo avulsum; Patrio throno
Insidabit maximus
Rex; Imperator perpetimq. Hebræo
Existet populi semine consti.*

Antistrophe XI.

Hujus Pater potentia

B 2

Nem-

*Nempè Divùm hominumq̄, Rex
Dia subjiciet triformis omnes
Orbis popellos: terminum & Imperi
Non finiendi seculis
Extendet ullis, cùm salo profundo
Famam flammifero terminet ac Polo;*

Epodos XI.

*Atmaq̄, Pax Stygii
Quondam amisſa Colubri
Fraude, pro leto quoḡ, ſempiterna
vita redibit.*

Strophe XII.

*His ille Nymphe Regia
Detegens rutilas genas,
Alas exq̄, plicans, replevit aures
Dictis. At hoc exterrita nuntio
Nymphe non ſveto dedit
De ſe pudoris ſigna virginalis
Demisſisq̄, oculis palluit artubus;*

Antistrophe XII.

*Cautes velut Marpeſia
Hæſitans animum rapit
In partes varias; Ter auſa fari*

Ter

*Terhasitavit lingua inutilis.
Vocem anbelam expromere
Ut quivuit imo ex pectoris recessu,
Pro re exorsa fuit farier hoc modo :*

Epodos XII.

*Forma habitusq₃ tuus,
Voxq₃ insveta Ministrum
Esse te produnt, Juvenis, ꝑ EHOVAE,
Celi & Alumnum.*

Strophe XIII.

*Cumq₃ ora, crines, & manus
Verba praq₃ potentia,
De plebe aligera minus cohortis
Lectum esse te, evincant: Age credula
Sum tuis dictis! DEUS.
Qui cuncta, quae vult, perficit, supremus
Abs te dicta mihi firmet & impleat!*

Antistrophe XIII.

*Dictata nec mentis moror,
Rebus in fidei mere
Caeca; Virginei₃ nil pudoris
Perfracta nondum commoror ullius
Claustra tactu Conjugis;*

*Verbum Dei, omni exceptione majus
Vincit, quod ratio dicitur improba.*

Epodos XIII.

Finierat. Subitò

Arcanum Patris Alma

Concipit Verbum gravida à Sacrato

Flamine facta.

Strophe XIV.

Verè ergò magna est hæc dies,

Quam Jehova sibi, ut genus

Humanum repararet, atq; Leto

Subduceret lapsum, & Phlegethontiam

Regiam verè Entheâ

Vi Spiritusq; exscinderet malignos.

Ex omni numero legerat unicam.

Antistrophe XIV.

Motu hinc suavi gestiant,

Blandulum & ciccant manus

Poppy sinum leviusculo utriusq;

Attritu homulli, quotquot in ambitu

Totius vivunt soli!

Hoc gaudio majore transigatur,

Quò cunctas alias hæc supereminet.

Epo-

Epodos XIV.

*Da mihi te facilem,
Qui miracula solus
Facit itas, miracula tua ut queam de-
scribere, JOVAH!*

Strophe XV.

*Hâc luce circa infantiam
Orbis ipsius à D E O
E tellure rubrâ Autor est homullum
Formatus ; Et circa ipsa crepuscula
Prima noctis cacula
Prævaricando perdidit salutem
Vasro Tartarei Principis heu ! dolo.*

Antistrophe XV.

*Dura urfit ergò necessitas,
Ut sub exiguo levis
Servi schemate Patris æviterni
Æterna Proles in mediò necis
Constitutos turbine
Subduceret sancti lytro cruoris
Obstructumq; viam panderet ad Polum.*

Epodos XV.

B 4

Ipsa

*Ipsa DEI soboles,
Quo nos arsit, amorem
His modis Dium manifestat amplum
Nempè per Orbem.*

Strophe XVI.

*Hàc indugressus est die
Noë in arboream arculam
Præco justitia, fuit supremo
Dum Numini visum ob scelera impij
Orbis orbi immittere
Totas habenas imbrium, atq; cunctos
Mortales sub aquis perdere cerulis.*

Antistrophe XVI.

*Hàc luce Moses Legifer
Iconem ille ferens tuam,
O Christe! Ifacidum genus per undas
Rubri maris traduxit, & impium
Impio cum militum
Cenchrem globo vi dextera atq; verbi
Submersit madidâ morte adigens mori.*

Epodos XVI.

*Hàc Pater innumera
Abras gentis, Iôva*

Isa-

*Isaon jussu voluit necare
Ense corusco.*

Strope XVII.

*Præfectus hæc Memphitidis
Luce, compede ahenâ
Vinctum carceris (heu!) tenebricosi
Pœnas pati fecit celebrem piis
Moribus, consortia
Cœtusq; vitantem libidinosi
Invisum Isaciden fratribus improbis.*

Antistrophe XVII.

*Hæc luce Nunides sacrâ
Et sago atq; togâ inclitus
Immensum populum satum Jehudâ
Jordaniâs duxit per aquas pede
Sicco, aquarum maximâ
Sese aggreganti mole montis instar
Tangentis rigida vertice sidera.*

Epodos XVII.

*Concipit hacce die
Maris nescia virgo
Filium delapso uterum replente
Flamine ab astris.*

B 5

Stro-

Strophe XIIIX.

*Post magna tandem tormina,
Plurimos colaphos truces,
Sannas, sputa, nece ipsâ atrociora
Perpesa suffixus trabe brachia
Et pedes dirâ luit
Hâc luce pœnas, perditam & salutem
Angvis fraude vafri restituit piis.*

Antistrophe XIIIX.

*Ergò D E I quo Filius
Natus est Homo, corpore
Assumpto celebrare laude fas est
Diâ globo cum Celituum diem:
Cùm Pater miraculis
Verè Entheis Conceptionis olim
Tot tantisq; diem fecerit inclitum!*

Epodos XIIIX.

*Tristitiæ tetrica
Non detur locus ullus
Gaudii cùm Fons siet omnis orbi
Natus I E S U S.*

Strophe XIX.

Motu

Motu hinc sūavi gestiant
Atq; dent manibus suis
Plausus, qui celebrant D E I stupenda
Facta, ac in illum affectibus irruunt
Integrīs. Nam premium
Reddetur illis à datore vite
Omni vita carens sine, volupta q̄.

Antistrophe XIX.

Et gaudio & plausu infremant,
Grande qui scelus in Deum
Laudi haud exigua sibi patrare
Duxere! Nam orantes veniam Deum
Intimo suspiriis
Pectusculo ductis soluti ab omni
Captabunt pares in crimine maximo.

Epodos XIX.

Latitiā inq; fremat
Paganus, violans sacra
Verba Legis! nam referatur illi
Fanus ad astra.

Strophe XX.

Tenelluli vos populi
Gaudio exsilite! integrā

vobis

Vobis Pufio namq; virginellâ
Prognatus eſt. Vos atq; Puellula
Voce, geſtu, plauſibus
Teſtmini omnes gaudium! Puella
Eſt enixa DEUM caſta, viri inſcia.

Antitrophe XX.

Perfuſa ſuavi gaudio
Geſtiant, ſine labe qui
Viventes ſcelus omne ſunt perofi!
Fons ac origo Juſtitie datur
Perdito Orbi. Debiles
Et languidi exultate! namq; natus
Eſt agris medicas verè adhibens manus.

Epodos XX.

Quos quoq; carcer habet
Vinctos compede ahenâ,
Gaudio exultate! Salutis Autor
Venit I E S U S.

Strophe XXI.

Servi atq; Servæ ignobiles
Gaudium ingeminate! Nam
Libertatis adeſt dator ſub auras
Prognatus. Omnes Chriſticolæ piâ

Voce,

Voce, gestu, plausibus
Latamini ! Vobis enim ipse Christus
Est natus, duplici clarus origine.

Antistrophe XXI.

Grato ergo, CHRISTE, gratias
Solvimus tibi pectore,
Quòd natus Patre secula ante cuncta
Mortale Schema assumere tadia
Ulla non te abstraxerint !
Da, simus omnes compotes tuorum,
Que induto reparas corpore, munerum.

Epodos XXI.

Cum Genitore tibi
Flatu cumq̃, Sacrato
Entheas grato referemus ore &
Pectore grates.



NATA-

NATALIA JESU CHRISTI.

Quis Puer? *Immanuel*. Genitor quis? sum-
mus *Iova*.

Quæ Genitrix? *Virgo*, Flamine foeta Sacro,
Tempore quo natus? Circum quo liquerat ar-

Lux Phæbea, solo proxima frugifero. (Etum
Quis locus excepit? *Bethle* sub mœnibus antrum,
Bubus equisq; aptum vix satis hospitium.

Qui natus? pauper, nudus, flens, inq; voluta
Fasciis laceris membra tenella fovens.

Cur talis? daret ut se ex omni parte probatum,
Nostrates posset sicq; dolere vices.

Et tandem duos miseratus ut ipse labores
Nos faceret Geniis ætheriis similes.

Cur Homo? ut asfereret mortali sorte creatam
Carnem carne, suum neve periret opus.

Quis natus? Sese peccasse dolentibus, uni
Atq; DEO fisis spe simul atq; fide.

Fascia quæ? *Verbum*. Quæcunæ? *Ecceſia*, acutas
Inter quæ spinas, ut Rosa verna, viget.

His se linteolis vasti Sator implicat Orbis,
Forma sub his CHRISTI Dia sepulta later.

Hæc, desiderio trahitur qui cernere *Christum*
Lintea rimetur, Pappyreumq; torum.

Cur purâ nasci placuit tibi Virgine, *Christe*,
Desponsata viro quæ fuit antè Seni?

Scili-

Scilicet ut faceres testatum, sacra marita
Esse tibi curæ, Virgineumq; statum. (umbris,
Cur noctu? Ut, stygiis quondam qui incessimus
Tramitis, ad vitam qui foret ætheriam.,
Ignaris Lux orta polo nova, lucis & Autor
Monstrares quæ sit *lux, via, vita, salus.*
Tempore cur Pacis? Quia Pacis diceris almæ
Dux, Pacem reddis Civibus atq; tuis;
Nosq; doces pacem Celo rimarier ortam.,
Dicta sumus qui de nomine turba tuo,
Qui testes? fidei indubiæ vernantis Olympi
Indigenæ, pecoris lanigcriq; duces.
Scilicet ut liqueat, nequaquam nostra requiri
Somnia ad æternæ dulce Salutis opus;
Sola sed hæc doctis Pastoribus esse docenda,
Quæ de hoc *Androtheo* pagina sacra refert.
Quid sibi vult *Præsepe?* obscurum quid notat *an-*
Quod *Christo* cunas hospitiumq; locat? (*trū,*
Immities inter Decios, sævosq; Neronas
Ecclesiæ miserum signat in orbe statum.;
Nec tamen huic inter ludibria defore mundi
Hospitium, cunæ & cæca latibla notant.
Cur *Bethle,* largis frugum proventibus auctæ?
Nõn unquam panem defore Christicolis.
Sed quare ex veteris moriente propagine *Jesse*
Pronasci voluit vera Propago DEI?
Pollicitis ut *Jova* suis semper manet, ullâ
Quæ sine subjectâ conditione dedit:

Sic

Sic sua in extremis rebus promissa fidelè
Præstitit, afferret certus ut autor opem.
Sed noster, quæ causa fuit, Salvator ut esset
Verus *Homo, Christus*, verus itemq; *Deus*?
Pellacis peccârat homo quia fraude Colubri,
Par hominem pœnas solvere erat scelerum,
Sed quia homo haud poterat peccati mole gra-
Irati stimulos sustinuisse DEI; (vatus
Verus Homo, verusq; Deus, sed hypostasi in una
Is fuit, ut gemino robore ferret onus,
Et sic placatâ Divini Numinis irâ
Morte suâ mundi solveret omne nefas.
Sed quis sufficiat mysteria condere versu
Tanta brevi? fateor non opis esse meæ.
Sufficiat primis mihi delibâsse labellis,
Pagina quæ cornu divite sacra dedit.
Cætera tu *Christi* meditabere sobrie cultor,
Sicq; recens natum supplice posce prece:
Bella, famem, pestem prohibe, *pie Jesule*, ab oris
Nostris, trina uno tempore supplicia.
Tranquillam nostris Pacem permitte diebus,
Mavortis conirâ janua clausa fiet.
Pax vigeat, sit honos legi. Pestisq;, famésq;
Exulet orbe procul, maxime *Christe*! tuum
Qui nomen reverenter habet, veneratur, adorat,
Sic Patre cum summo, Flamine cumq; Sacro
Carminè te festo referam super astra, salute
Partâ, & vox laudi ferviet usq; tuæ.

Votum

Votum

*Pro felici Anni Novi au-
spicio.*

Ancipite præstò *Janus* est imagine
Novusq; denis atq; binis mensibus
Subintrat annus absolutis. *Sancta lux*
Exorta salve! salve origo Gentibus
Salutis una barbaris, quondam Poli,
Sub ære, lignis, atq; saxis algidis
Colentibus celsi Monarcham! *Sancta lux*
Exorta salve celitùs, mortalium
Cum maximo percurrere cyclum gaudio.
Jehovah, cujus alma finxit dextera
Verbo potentèr Entheo, quicquid pila
Terræ tenet, polusq; naturæ domus,
Annumq; libras in statera & pondere;
Adsis tuâ nobis dehinc clementiâ,
Ingressus ut felix sit anni, faustior
Progressus, egressusq; felicissimus.
Religio, Olympi ductitans ad mœnia
Animas, latuminiis reclusas corporum,
Succrescat indies, nitescat, floreat,
Radiosq; totius per Orbis climata

C

Spar-

Spargat nitentes. Bella, morbos pestiles^r
Famemq; quīs simūl flagellas & semel
Nos acriter, procūl nostris à finibus
Abesse jubeas. PAX triumphis omnibus
Una potior, domos & urbes amplians^r,
Et regna ditans, templa servans & scholas,
Postliminio, datore te, redeat Polo,
Vigente quâ lingvæ vigent cum legibus^r,
Jacente quâ leges silent cum linguis^r.
Concede nostris, quæso, PACEM seculis,
Quam nemo, te præter, potest largiri. .
ECCLESIA squalidis amicta vestibus
Lugensq; per vicos means & compita,
Tibi, PATRI cum gnesio, curæ fiet:
Omnesq; transfer fata nos post tristia
Ad Celici perennitatem gaudii.

Parodia ad

Eclogam IV. Virgilia.

CHRISTUS NASCENS.

*S*iderea Musæ CHRISTI cunabla canamus,
*F*alsa juvat veris mutare, profana sacratis.
*S*i canimus CHRISTUM, CHRISTUS sit carmine
dignus.

Ulti-

Ultima fesei venit jam carminis etas,
Cum gemitu Patribus seclis sperata venistis.
Jam Patre placato redeunt celestia regna,
Jam Prolem aetherii Virgo parit innuba Patris.
Tu modo nascenti **JESU**, quo Daemonis ira
Desinit, ac toto surgit Pax aurea mundo,
Bethla fave fesea! tuus jam regnat Iesus.
Hæc, tuo nutu, **PATER** optime, secula inibunt,
Evigena, diu speratâ pace fruuntur.
Hoc duce, si qua manent prisca vestigia culpe,
Evigenam solvent stygiâ formidine gentem.
Orco hunc devicto stellantis regia celi
Excipiet, magnum & capiet super aethera nomen,
Æquus & existet patuli hæc post Arbiter orbis.
At tibi prima Magi, **JESU!** munuscula Eoi
Aurum fulgidulum, Thuris bene olentia grana,
Et Myrrha lacrymam demisso poplite fundunt,
Pardalis ac hædo ferus, & lupus accubat, agno,
Ultra nec metunt torvos armenta leones,
Et tacito tauri præsepia murmure adorant.
Occidit & Demon, & mendax augur Apollo
Occidit & passim juris laus crescit & equi.
At postquam, **JESU**, sanctorum oracula Vatum
Ipse leges, fiet & qua noveris alma voluntas
Cælestis Patris; ante aram & delubra sedebis,
Grandævusq; tuo pendebit ab ore Sacerdos,
Mater & amisum mærens te sæpè vocabit.
Multa tamen suberunt stygia vestigiâ fraudis,

Qua mentes tentare pias, qua avertere recto
Pectora, qua jubeant homines submittere Averno.
Tunc erit una fides, via quâ sternetur ad astra
Vivere perpetuo cupidis, erit una salusq;
Magnus & Helias iterum succedet Olympo.
Hinc scelus infanda cum te submiserit orno,
Mors destructa ruet; Pblegethontis inermis & Heros
Nil ultra poterit, IESUS erit omnia cunctis.
Non morbos sentiscet homo, non horrida mortis
Spicula: bis genitus solvet juga legis IESUS.
Et gelidi parcent sanctos invadere morbi,
In terris vivent sanctorum secla beata
Evigena, sanis mutantes morbida membra,
Sponte suâ CHRISTUS sua viscera reddet Olympo.
Secula dixerunt Regi aurea currite CHRISTO
Concordes moniti divino Flamine Vates.
Aggredere ô magnos, etenim est jam tempus honores
Chara DEI Soboles, summum Patris incrementum!
Aspice terrigenas peccati mole gravatos,
Mundoq; Stygis inq; colis, stygicq; barathro;
Aspice, nascenti irascantur ut omnia CHRISTO!
O mihi tam longè mane at mea portio vite,
Quantum sat, IESU, fuerit tua dicere facta;
Me haud Vatum princeps Grajorum carmine vincet
Haudq; Maro; huic Mater quamvis, huic Mater
& adsit
Maonidi Enterpe, doctiq; Thalia Maroni
(namq; profana illi canerent, ego sacra profarer)

Orpheus

*Orpheus Threicius mecum si carmine certet,
Orpheus Threicius dicat se carmine victum,
Incipe terrigenas risu cognoscere, CHRISTE,
Orbi amissa salus peperit fastidia longa.
Incipe CHRISTE, cui non riseris ore benigno,
Nec Pater hunc aquis, nec Flamen vidit ocellis.*

Cantilena dulcissima Doct.

Martin. Lutheri.

Von Himmel hoch da kom
ich her/ıc.

Summi Patris fidissimus
Oraculorum nuntius
Demissus adsum celicus
In gaudium mortalibus.

Hac nocte vestri Pupulus
In gratiam mellillulus
Ex Matris & Virgunculæ
Est ventre natus integræ.

Qui CHRISTUS est noster DEUS,
Adjutor in malis bonus,
JESUS q̄; vester, turpium
Et expiator sordium.

C 3

Hic

Hic cuncta vobis gaudia
Reportat, olim perditam,
Ut in Poli palatio
Vivatis omni seculo.
En signa vobis! Fasciis
Est involutus parvulis,
Et postus in praesepio
Orbem tenens pugillulo.
Quin ergo cum Pastoribus
Migramus omnes ocyus,
Strenamq; misam celitus
Animis piis agnoscimus!
Attende cor, quid fasciis
Sit involutum linteis!
Quis bellus ille *Pupulus*?
Mellillus est *Iesus*.
Auguste salve corculi
Et Hospes & Fictor mei!
Quis praedice te laudibus,
Ad me venis quod celitus?
Quid te coegit, o Sator
Rerum, Orbis atq; Conditor,
Ut membra molliuscula
Algâ levares hispidâ?

Cum

Cum vastus Orbis, splendidis,
Coruscus atq; gemmulis,
Te vix receperet inclitum
PATRIS supremi FILIUM.

Pulvilluli sunt byssini
Foenum atq; panni linteï,
Quis te Duce[m] ostentas Ducum,
Regumq; Regem maximum.

Pompâ sed hac novâ facis
Testatum, ocellis in tuis
Factum orbis omnem triplicis
Nullius esse ponderis.

Tibi sterne, JESU, lectulum
Mellille molliusculum
In scrinio pectusculi,
Sim semper ut memor tui.

Sigrata laudum munera
Divina nempe cantica
Deducta grato pectore
Dulci sonabo gutture.

Laus competens sit inclito
PATRI dato pro FILIO,
Anni & novi celestium
Chorus apprecetur gaudium.

Ode Jambica Metameletica

*Ad cantilenam non minus pulcram, quàm
Christianam*

Ach GOTT / Wem soll ich klagen/
Daß ich so elend bin / &c.

Heu! cui querar malorum
In me tot impetus?

Cor deficit, nefandum

Me torquet & scelus?

Semper recurrit, imi

Secreta pectoris

Obsidit, atq; Fati

Casus timet trucid.

Labem perindè suxi

Ex matris ubere:

Sicut turpe crimen auxi

Subindè crimine.

Celum tui profundum

Me porrò non iuvat,

Meisq; terra pressum

Plantis suum negat.

Fiduciam locare

Jam par erat tui

In

In Filii cruore

Parastatæ mei ;

Percussa sed timore

Mens palpitat, tuo

Et horret à furore

Quod scelera duplico.

Libenter, ecce ! fraudes

Desvescerem malas,

Asvesceremq; mores

Sanctos & integros :

Sed cogitata dextrè

Ceslere pessimè

Stygii strophis Dynastæ.

Carnisq; propriæ.

Quem clamitem ? Salutis

Levet quis indigum. ?

Immergor, heu ! tenebris

Dùm trado te **D E U M.**

Sed ad tuam recurro

Jehova gratiam

Clementiamq; prono

Vultu expeto piàm.

Pro labe Natus Orbis

Mortis crucem vorat,

C s

Uc

Ut nempè vivat omnis
Hanc qui sibi applicat,
Si fors tuis reniti
Dictis velit fides,
Tu subveni ruenti
Quâ dextera potes?
Sum dignus haud favore,
Quo me beas, suo
Dum Filius cruore
Me reddidit Polo:
Sed indigus salutis
Me credo gaudii
Fore compotem perennis
In Regiâ Poli.
Vivo, *intonas*, subibit
Caput *Spei bona*
Reus, nec interibit,
Si vixerit piè.
His motus, ecce! largis
Te posco fletibus,
Da te mihi paternis,
Jehova, motibus.
Auge tuo pusillam
Flatu meam fidem,

Lapsoq;

Lapsoq; tende dextram,
Clemens *Pater*, levem.
Ne cespitem sacratæ
In legis orbita
Tu Dæmonem valente
Retunde dexterâ.
Da ritè functionis
Obire munia
Plenus *Pater* furoris,
Vitamq; fospita.
Aures meis vacivas
Largire lacrymis,
Sicte adjuva cavernas
Vitabo Dæmonis.
Usura siq; lucis
Reddenda funere,
Ad Regna me salutis
Tu transfer inclitæ:
Sic concinam *Patriq;*
Tibiq; carmina
Flammæq; tær sacratæ
Per cuncta secula. AMEN.

ORA-

ORATIO

Hominis Christiani, in merito CHRISTI suam unicè fidu- ciam locantis.

Troch. Tetrametri brachycata lecti.

Arbiter viventium simulq; mortuorum,
Christe Jesu, tùm future, cum dies tremè-
Judici quondam supremus venerit popello (di
Proxeneta sis tuo clemens, cui Paternus
Melleo partem favor de nomine imposivit.
Cumq; carni nemo sit, qui non suæ cupiscat
Optumè; Carni tuæ, membrisq; sangviniq;
Non favere non potes. Sumus, nec ipfus un-
quam

Oris usq; cognitus veri neges, sacrata
Portio carnis tuæ atq; sangvinis sacrati.
Membra qualiacunq; tandem corporis fatemur
Nos tui, desivimus nec ejus esse membra
Hæresin capti per impiam, impiûmve schisma.
Plasma dextræ quî tuæ, JESU, tuamq; carnem
Temnere ausis, igneo damnare vel barathro
Concremandam? Fulcit hæc nos una spes, le-
vaturque

Sauciam dolore mentem, carne quòd Parentis
Ad latus te sciscimus nostrâ superbientem,
Nosq; carnem perpetim tecum tuam futuros.

Non

Non crepamus merita nostra, spes nec ulla nobis
Fixa in his; Hoc prædicamus, hoc crepamus, u-
num.

Hocce nobis ducimus laudi, quod illi usce
Membra simus corporis, pugnis quod & flagellis
Perprobè tusum, execrando pendulumq; ligno
Affatim peccata mundi sustulit triformis.
Ergò merita tute nostra fortè si requiris
En cruenti merita corporis tui exhibemus
Nos tibi! quod corporis cum pars fiet nostratis
Ejus etiam merita nobis cuncta vendicamus.
Nostra sunt tua merita, nempè passio cruenta
Flagra, colaphi, fanna, rhamnus, sordidumq; spu-
rum.

Et crucis patibulum, quæ cuncta maluisti
Cujus es clementiæ & favoris, esse nostra.
Hæc secundum judicari postulamus abs te
Merita, nosmet hisce freti sistimus tremendum
Ad tribunal non stupentes, corda nec tremetes,
Merita, quis de gloriamur, quæq; prædicamus
Nostra sunt, sunt nãq; capitis corporisq; nostri,
Undè nos præcidimus nefariis nec unquam
Ausibus vel schismatis. Merita hæc tuam inter
Urnæ

Inter & nos sistimus, quorum statuminari
Entheâ virtute quondam cum choro fruemur
Gaudiis non desituris celitum beato.

A M E N.

Ode ad SS. Triadem.

Perioche.

L Ande decet dignâ semper celebrare Jehovah.,
Personis Trinus qui Unus in Esse cluit.

Quem Virum aut Herôa lyrâ sonorâ
Jam tibi sumes celebrare Musâ?

Quem canes? cujus recinet jocosa
Nomen imago

Aut in umbrosis Horebi cavernis,

Aut in excelso scopulo Moriaë!

Cujus ad summum fuit infecutus

Sponte cacumen

Isâac, jusu patrio paratus

Perpeti mortem rapidos & ictus,

Dum typum veri immaculati & agni

Gesfit Iesu.

Quid prius dicam ætherii Parentis

Laudibus, qui res hominum gubernat,

Qui mare & terras, variisq; mundum

Temperat horis?

Unde nil majus generatur ipso,

Nec viget quicquam simile aut secundum.,

Attamen Patri similem occupavit

Gnatus honorem.

Robur ex altis neq; te filebo

Flatus amborum Sacer, omne complens,

Martyres quo Præfide nil morantur

Arma Tyranni,

Dicam

Dicam & Eóo venientem ab Orbe,
Astra, & horum ortus, obitus notare
Nobilem Gentem! simul his ab axe

Stella refulsit,

Sedibus Bethlam veniunt in Urbem

Exciti, ac donant tria dona *Christo*,

Et minax (quod sic voluit *Jehova*)

Decipitur Rex.

Fata sed post hos prius an tuorum

Bethla Natorum memorem, cruenta

Regna an Herodis, dubito, an sacрати

Funera *Jani*.

Josnam, Hiskiam, propriaq; vitæ

Prodigum Vatem, superante Ceto,

Promptus invitâ haud referam Camœnâ

Isaidenq;

Hunc & intonsis Juvenem capillis

Utilem bello tulit, at Philistis

Durum & infensum proavitus apto

Cum lare fundus.

Crescit occulto velut arbor ævo

Jesulus; Patres sedet inter annis

Obfisos, Diam populo peritos

Pandere legem.

Gentis humanæ Sator atq; Custos,

Non habens ortus, tibi cura soli

Prolis æquæva data, tu secundas

Ipse ausus;

Ille

Ille seu sanctis Satanam invidentem
Egerit justo domitum triumpho,
Sive subjectos superas in oras
Pertrahat hostes,
Par tibi latum reget æquus orbem; ;
Nube & ignitâ residens Olympi
In parum sanctos inimica mittet
Fulmina iudex.

DEUS adjutor in adversis.

Anguistiis nos constitutos maximis
Qui sublevet, quis est? *Deus.* Qui gratiâ
Nos fulciat suâ, quis est? *Solus Deus.*
Hostes sui quis opprimit verbi? *Deus.*
Quis acuta Mortis spicula perfringit? *Deus.*
Atri retundit Dæmonis vim quis? *Deus.*
Ad tecta quis monstrat Poli viam? *Deus.*
Nos celitum quis inserit choro? *Deus.*

Tria summa SS. Triadis beneficia .

Ingens *Jehova* munus est ter optimi,
Rerum quòd ille Conditor *Deus Pater*
Imaginem mentis, rogante nemine,
Nos condidit suæ; Juvante nemine
Lapsus Polo quod *Filius* suo *Patri*
Nos reddidit, nostratis & causa exitit
Salutis; Et quod promerente nemine
(quod maximas longè meretur gratias)
Nos *Christianos* efficit *Flatus Sacer.*


F I N I S,


































Celestis properent a
Obsequium facia
Suffice, rerum usus q
Ut fratri offensa
Non Satanæ nos fra
Ereptos stimulis

PRECATIUM
STUM doc

JESU, decus ju
Teneræ decus
Pubis decus te
Flos pubis & t
Qui parvulus
Puer sedens sa
Espaginæ faci
Interpres ipse
Docentium a
Verba imbibe
Auditor usq; j
Fac ad optima
Frugem subin
Tuum inclitu
Manans ab or

ciâ regni
; tuum.
q; remitte,
sq; suo.
nosq; malo-
oca. (rum

CHRI-
plo.

Ca-

